

- (8) Školski odbor će imenovati komisiju, koja će izvršiti pripreme za početak rada i izvršiti izbor prvih nastavnika Škole, shodno Pedagoškim standardima i normativima za osnovnu Školu ("Službene novine Kantona Sarajevo", broj 30/18).

**Član 11.**

(Organ rukovođenja)

- (1) Organ rukovođenja u Školi je direktor.
- (2) Direktora Škole imenuje Školski odbor, na osnovu raspisanog javnog konkursa, uz prethodnu saglasnost Vlade, na način i u postupku propisanim Pravilnikom o izboru, imenovanju i razrješenu direktora osnovnih Škola Kantona Sarajevo ("Službene novine Kantona Sarajevo", br. 2/18, 32/18 i 30/19).
- (3) Direktor Škole je ovlašten da predstavlja i zastupa Školu u okviru registrovane djelatnosti.
- (4) U periodu do imenovanja vršioca dužnosti direktora, a najkasnije do 31.12.2021. godine, poslove predstavljanja i zastupanja Škole će obavljati Damir Ovčina.
- (5) Imenovani iz stava (5) ovog člana će provoditi sve procedure, koje je potrebno provesti za početak rada Škole.

**Član 12.**

(Odnos osnivača i Škole)

Pitanja prava i obaveza između osnivača i Škole, koja nisu regulisana ovom odlukom, utvrdit će se pravilima i općim aktima Škole.

**Član 13.**

(Ostvarivanje prava iz radnog odnosa)

Radnik Škole ostvaruje svoja prava u skladu sa zakonom, pravilima Škole i kolektivnim ugovorom.

**Član 14.**

(Unutrašnji akti Škole)

Školski odbor će u roku od 30 dana od njegovog imenovanja donijeti pravila Škole, utvrditi akt o sistematizaciji radnih mjesta i preuzeti druge radnje za početak rada Škole.

**Član 15.**

(Raspolaganje sredstvima)

Višak prihoda nad rashodima, Škola koristi za obnavljanje i razvoj djelatnosti.

**Član 16.**

(Odgovornost Škole i osnivača)

- (1) Za svoje obaveze Škola odgovara sredstvima sa kojima raspolaze.
- (2) Osnivač Škole je supsidijarno odgovoran za obaveze Škole.

**Član 17.**

(Upis u sudski registar)

Na osnovu ove odluke izvršit će se upis Škole u Registar osnovnih Škola Kantona Sarajevo koji vodi Ministarstvo i u sudski registar.

**Član 18.**

(Stupanje na snagu)

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-04-27766/21  
08. jula 2021. godine  
Sarajevo

Predsjedavajući  
Skupštine Kantona Sarajevo  
**Elvedin Okerić**, s. r.

novine Kantona Sarajevo", br. 10/11 i 07/19), Skupština Kantona Sarajevo, na 39. Radnoj sjednici, održanoj dana 08.07.2021. godine, donijela je

**ODLUKU****O PRIHVATANJU ZADUŽENJA PO UGOVORU O  
FINANSIRANJU IZMEĐU BOSNE I HERCEGOVINE I  
EVROPSKE INVESTICIJSKE BANKE (EIB) ZA  
REALIZACIJU PROJEKTA GRADSKOG PRIJEVOZA U  
SARAJEVU****I**

Prihvata se zaduženje Kantona Sarajevo (u daljem tekstu: Kanton) po Ugovoru o finansiranju između Evropske investicijske banke (u daljem tekstu: Banka) i Bosne i Hercegovine (u daljem tekstu: BiH) za realizaciju Projekta gradskog prijevoza u Sarajevu (u daljem tekstu: Projekat) u iznosu do 40.000.000,00 EUR-a.

**II**

Sredstva kredita iz tačke I ove odluke koristit će se za realizaciju Projekta, a implementirat će ga Ministarstvo saobraćaja Kantona.

Sredstva kredita se planiraju realizovati kroz četiri povezana podprojekta koji spadaju u oblast gradskog saobraćaja na području Kantona Sarajevo. Podprojekti se odnose na izgradnju i rekonstrukciju infrastrukture i nabavku vozila u javnom prijevozu, te izgradnju gradskih saobraćajnica.

Svrha Projekta je unaprijediti učinkovitost i uticaj na okoliš sistema mobilnosti u Sarajevu kroz provedbu još uvijek nepostojećeg dijela strateške cestovne mreže, sanirati infrastrukturu osnovne mreže javnog prijevoza i obnoviti oko polovice električnih vozila javnog prijevoza koja se koriste u Gradu Sarajevu i u Kantonu Sarajevo.

**III**

Sredstva kredita iz tačke I ove odluke prihvataju se u formi vanjskog indirektnog duga, pod sljedećim uslovima:

- iznos kredita 40.000.000,00 EUR
- rok otplate 20 godina
- grace period 5 godina (uključen u rok otplate kredita)
- kamatna stopa fiksna ili varijabilna i dogovara se prije isplate tranše,
- dospijeca polugodišnja rata u jednakim otplatama glavnice.

**IV**

Potvrđuje se da je razmatrana dokumentacija prihvatljiva za Kanton, a posebno:

- Ugovor o finansiranju između EIB-a i BiH.

**V**

Sredstva kredita iz tačke I ove odluke, prenijet će se na Kanton potpisivanjem Podugovora o kreditu između Federacije BiH i Kantona. Navedenim Podugovorom Federacija BiH će prenijeti prava i obaveze na Kanton pod istim uslovima, a u skladu sa odredbama Ugovora o finansiranju.

**VI**

Daje se saglasnost za zaključivanje Podugovora o kreditu između Federacije BiH i Kantona, za Kredit iz tačke I ove odluke.

Daje se ovlaštenje premijeru Kantona da potpiše Podugovor o kreditu sa Federacijom BiH, kao i instrumente obezbjeđenja Kredita koji proizilaze iz Podugovora.

**VII**

U svrhu redovne otplate Kredita, Kanton je saglasan da Federacija BiH, u slučaju neredovnog ispunjavanja obaveza po Kreditu, bez upozorenja može dospjele obaveze direktno naplatiti

Na osnovu čl. 18. tač. b) i k), 29. stav (1) tačka e) i 38. stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 40. stav (5) i 41. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene

sa računa javnih prihoda, i to iz dijela prihoda koji pripadaju Kantonu.

Kanton se obavezuje da će u svrhu naplate svih potraživanja po ovom kreditu, Federaciji BiH dostaviti bjanko mjenice sa klauzulom "bez protesta" i Mjениčnom izjavom ovjerenom i potpisanom od strane premijera Kantona.

Kanton ovlašćuje Federaciju BiH da primljene bjanko mjenice može koristiti za naplatu dospjelog potraživanja.

## VIII

U periodu dospijeca obaveza po Kreditu potrebno je iz budžeta Kantona osigurati sredstva za servisiranje obaveza po Kreditu.

Dodatna sredstva za plaćanje PDV-a, carine i drugih naknada u periodu implementacije Projekta obezbijedit će Ministarstvo saobraćaja Kantona.

## IX

Za realizaciju ove odluke i izvještavanje zadužuju se Ministarstvo finansija Kantona, Ministarstvo saobraćaja Kantona, svako u okviru svoje nadležnosti.

## X

Implementacija Ugovora o finansiranju, iz tačke I ove odluke, ne zahtijeva donošenje novih i/ili izmjenu postojećih propisa.

## XI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-27767/21  
08. jula 2021. godine  
Sarajevo

Predsjedavajući  
Skupštine Kantona Sarajevo  
**Elvedin Okerić, s. r.**

Na osnovu čl. 131. st. (11) i (12), 159. i 160. stav (6) Zakona o visokom obrazovanju ("Službene novine Kantona Sarajevo", br. 33/17, 35/20 i 40/20) i člana 119. Poslovnika Skupštine Kantona Sarajevo ("Službene novine Kantona Sarajevo", br. 41/12, 15/13, 47/13, 47/15, 48/16, 9/20 i 14/20), Skupština Kantona Sarajevo, na 39. Radnoj sjednici održanoj dana 09.07.2021. godine, donijela je

**ODLUKU****O USVAJANJU IZVJEŠTAJA O RADU UNIVERZITETA U SARAJEVU ZA 2020. GODINU SA FINANSIJSKIM IZVJEŠTAJEM**

## I

Usvaja se Izvještaj o radu Univerziteta u Sarajevu za 2020. godinu sa finansijskim izvještajem.

## II

Sastavni dio Izvještaja iz tačke 1. ove Odluke predstavlja Izvještaj o finansijskom poslovanju Univerziteta u Sarajevu za period 01.01. - 31.12.2020. godine sa Izvještajem internog revizora Univerziteta u Sarajevu o provedenom nadzoru o finansijskim procesima na Univerzitetu u Sarajevu i njegovim organizacionim jedinicama za 2020. godinu, kao i Zbirni obrazac, broj 517-U/Z propisan Odlukom o utvrđivanju obavezujućih obrazaca izvještaja o radu sa finansijskim poslovanjem Univerziteta u Sarajevu i njegovih organizacionih jedinica ("Službene novine Kantona Sarajevo", broj 46/17).

## III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-27883/21  
09. jula 2021. godine  
Sarajevo

Predsjedavajući  
Skupštine Kantona Sarajevo  
**Elvedin Okerić, s. r.**

Na osnovu čl. 131. st. (11) i (12), 159. i 160. stav (6) Zakona o visokom obrazovanju ("Službene novine Kantona Sarajevo", br. 33/17, 35/20 i 40/20) i člana 119. Poslovnika Skupštine Kantona Sarajevo ("Službene novine Kantona Sarajevo", br. 41/12, 15/13, 47/13, 47/15, 48/16, 9/20 i 14/20), Skupština Kantona Sarajevo, na 39. Radnoj sjednici održanoj dana 09.07.2021. godine, donijela je

**ODLUKU****O USVAJANJU IZVJEŠTAJA O RADU UNIVERZITETA U SARAJEVU ZA 2019. GODINU SA FINANSIJSKIM IZVJEŠTAJEM**

## I

Usvaja se Izvještaj o radu Univerziteta u Sarajevu za 2019. godinu sa finansijskim izvještajem.

## II

Sastavni dio Izvještaja iz tačke 1. ove odluke predstavlja Izvještaj o finansijskom poslovanju Univerziteta u Sarajevu za period 01.01. - 31.12.2019. godine sa Izvještajem internog revizora Univerziteta u Sarajevu o provedenom nadzoru o finansijskim procesima na Univerzitetu u Sarajevu i njegovim organizacionim jedinicama za 2019. godinu, kao i Zbirni obrazac, broj 517- U/Z propisan Odlukom o utvrđivanju obavezujućih obrazaca izvještaja o radu sa finansijskim poslovanjem Univerziteta u Sarajevu i njegovih organizacionih jedinica ("Službene novine Kantona Sarajevo", broj 46/17).

## III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-27884/21  
09. jula 2021. godine  
Sarajevo

Predsjedavajući  
Skupštine Kantona Sarajevo  
**Elvedin Okerić, s. r.**

Na osnovu čl. 60. i 61. Poslovnika Skupštine Kantona Sarajevo ("Službene novine Kantona Sarajevo - Drugi novi prečišćeni tekst", broj 41/12, 15/13, 47/13, 47/15, 48/16, 9/20 i 14/20), Skupština Kantona Sarajevo na 39. Radnoj sjednici održanoj dana 09.07. 2021. godine, donijela je

**PROGRAM****RADA SKUPŠTINE KANTONA SARAJEVO ZA 2021. GODINU****I SKUPŠTINA KANTONA SARAJEVO****I - NORMATIVNI DIO**

1. Program rada Skupštine Kantona Sarajevo za 2022. godinu  
Nosilac posla: Kolegij Skupštine  
Predlagač: Kolegij Skupštine  
Rok: decembar

**II - TEMATSKI DIO**

1. Izvještaj o radu Vlade Kantona Sarajevo za 2020. godinu  
Nosilac posla: Vlada Kantona Sarajevo  
Rok: januar

**II OBLAST PRAVDE I UPRAVE****I - NORMATIVNI DIO**

1. Zakon o dopunama Zakona o pravobranilaštvu  
Nosilac posla: Ministarstvo pravde i uprave  
Rok: februar

2. Zakon o izmjenama i dopunama Zakona o državnoj službi u Kantonu Sarajevo  
Nosilac posla: Ministarstvo pravde i uprave  
Rok: mart

3. Zakon o nepotizmu i stranačkom zapošljavanju u organima uprave i ostalim institucijama čiji je osnivač ili suosnivač Kanton Sarajevo